

প্রেস বিজ্ঞপ্তি

বাংলাদেশ স্বল্পোন্নত দেশসমূহের সভাপতি নির্বাচিতঃ পররাষ্ট্র উপদেষ্টা ডঃ
ইফতেখার আহমদ চৌধুরী'র দায়িত্বার গ্রহণ

নিউইয়র্ক, ৫ অক্টোবর, ২০০৭

বিগত কয়েকমাস ধরে তীব্র কৃটনেতিক প্রচেষ্টায় অবশেষে বাংলাদেশ সর্বসম্মতভাবে জাতিসংঘে স্বল্পোন্নত দেশসমূহের সভাপতি পদে নিযুক্ত হয়েছে। পররাষ্ট্র উপদেষ্টা ডঃ ইফতেখার আহমদ চৌধুরী ৫০টি দেশের সমন্বয়ে গঠিত স্বল্পোন্নত দেশসমূহের সভাপতি পদে আজ আনুষ্ঠানিকভাবে অভিষিক্ত হয়েছেন। বিদ্যারী সভাপতি বেনিন-এর পররাষ্ট্রমন্ত্রী মোওসা ওকানলা (Moussa Okanla) ডঃ চৌধুরীর নিকট আজ বিকালে আনুষ্ঠানিক দায়িত্বার অর্পণ করেন।

বিগত ২০০১ সালের জানুয়ারী মাসে জাতিসংঘে ৫০টি স্বল্পোন্নত দেশসমূহের সমন্বয়কারী পরিষদ () গঠিত হয়। প্রথমবার আফ্রিকা মহাদেশ হতে বেনিন সভাপতি নির্বাচিত হয়। স্বল্পোন্নত দেশসমূহের মন্ত্রীপর্যায়ের বৈঠকে ২০০৬ সনে এশিয়া হতে পরবর্তী সভাপতি নিযুক্ত হওয়ার সিদ্ধান্ত গৃহিত হয়। কিন্তু এশিয়া থেকে বাংলাদেশ ও নেপাল উভয়ে প্রার্থী হওয়ায় দীর্ঘদিন ধরে সভাপতি নির্যোগে অচল অবস্থা দেখা দেয়। অবশেষে আজ ৫০টি দেশের পররাষ্ট্রমন্ত্রীর গৃহে সর্বসম্মতভাবে বাংলাদেশের প্রার্থীকাকে নিরক্ষুশ সর্থন জানালে বাংলাদেশ সভাপতি নির্বাচিত হয়।

শুক্রবার সন্ধ্যায় স্বল্পোন্নত দেশসমূহের সভাপতি হিসাবে দায়িত্বগ্রহণকালে ডঃ চৌধুরী বলেন যে, 'আমাদের এই মুহূর্তের চ্যালেঞ্জ হচ্ছে আন্তর্জাতিক সম্প্রদায় কর্তৃক সর্বসম্মতভাবে গৃহিত ব্রাসেলস কর্মসূচীর সঠিক বাস্তবায়ন - যা ২০০১ সনে তৃতীয় জাতিসংঘ কন্ফারেন্সে স্বল্পোন্নত দেশসমূহের উপর গ্রহণ করা হয়েছিল'।

তিনি আশাবাদ ব্যক্ত করেন যে, উন্নতদেশসমূহ স্বল্পোন্নত দেশে উৎপাদিত সকল পণ্যসমূহ প্রবেশের ক্ষেত্রে শুল্কমুক্ত সুবিধা দেয়ার প্রতিশ্রুতি রক্ষা করবে। তিনি আরও বলেন যে, উন্নত দেশসমূহ কর্তৃক সহযোগিতা প্রদান প্রতিশ্রুতির লক্ষ্য পূরণের পাশাপাশি দারিদ্র্যবিমোচন এবং প্রবৃদ্ধি অর্জনের লক্ষ্যও অর্জিত হওয়া প্রয়োজন। তিনি সকল আন্তর্জাতিক ফোরামে স্বল্পোন্নতদেশসমূহের স্বার্থ-সংরক্ষণে বাংলাদেশ সর্বোচ্চ উদ্যোগ নেবে বলে উপস্থিত প্রতিনিধিবর্গকে আশ্বাস দেন।

পরে মিডিয়ার সাথে আলাপকালে তিনি বলেন যে, '৫০টি স্বল্পোন্নত দেশসমূহের একটি গুরুপের নেতৃত্ব গ্রহণ বিরল সম্মানের পাশাপাশি একটি বড় চ্যালেঞ্জও বটে। বাংলাদেশ এ পদে নির্বাচিত হওয়ায় আমি খুবই আনন্দিত এবং এর বিরাট দায়িত্ব সম্পর্কেও সম্পূর্ণ সচেতন। আমি সত্যিকারভাবে বিশ্বাস করি যে, আমাদের সে সক্ষমতা আছে'।

